

Safet Suljić



KAKO OBAVITI
NAMAZ NA STOLICI
PROPISI, UPUTE I NAČIN OBAVLJANJA



© Copyright: ET-TAQWA – Safet Suljić. Sva prava pridržana.

Ovu knjigu je **DOZVOLJENO** reprodukovati ili emitovati na bilo koji način, elektronski ili mehanički, uključujući fotokopiranje, snimanje ili bilo koji drugi sistem za bilježenje, uz sljedeće uslove:

- 1) ne smije se koristiti u profitabilne svrhe;
- 2) u slučaju korištenja materijala obavezno je spomenuti izvor i vlasnika prava;
- 3) prilikom prenošenja tekst mora zadržati svoj kontekst.

Izražavamo najiskreniju zahvalu svakom onom ko na bilo koji način doprinese distribuciji ove knjige. Neka ga Allah Uzvišeni nagradi za njegov iskren trud.

U slučaju da imate bilo koju korekciju, komentar ili sugestiju u vezi ove publikacije, javite nam se na sljedeću adresu: info@et-taqwa.com

Izdavač:

ET-TAQWA WEB PUBLISHING

e-mail: info@et-taqwa.com
et-taqwa@hotmail.com

web page: www.et-taqwa.com

KAKO OBAVITI
NAMAZ NA STOLICI
-PROPISI, UPUTE I NAČIN OBAVLJANJA-

Safet Suljić

Autor:	Safet Suljić
Redaktor:	Safet Suljić
DTP:	Ebu Talha
Dizajn:	Ebu Talha
Izdavač:	ET-TAQWA

1435/2014



U ime Allaha, Milostivog, Samilosnog!

UVOD

Sva hvala pripada Allahu, Gospodaru svjetova, Njega hvalimo, od Njega pomoć, oprost i uputu tražimo, Njemu se kajemo, kod Njega tražimo utočište od zla naših duša i naših loših djela.

Koga Allah iz Svoje milosti uputi, nema toga ko će ga u zabludu odvesti, a koga u zabludi pravedno ostavi, nema onoga koji će ga uputiti.

Svjedočim da nema istinskog boga koji zaslužuje da se obožava osim Allaha, i svjedočim da je Muhammed Njegov rob i Njegov poslanik, neka je Allahov salavat i selam na njega, njegovu porodicu, ashabe i sve koji ih budu slijedili u dobru do Sudnjega dana.

Uistinu, najistinitiji govor jeste Allahov govor a najbolja uputa je uputa Muhammeda, sallallahu alejhi ve sellem, dok su najgore stvari novine u vjeri jer je svaka novina novotarija a svaka novotarija je zabluda i stranputica!

Uzvišeni Allah rekao je: **"O vjernici, bojte se Allaha onako kako se treba bojati i umirite samo kao muslimani!"** (Prijevod značenja sura Ali Imran, ajet broj 102).

A zatim, doista, je jedno od najboljih djela i djela kojima se čovjek najviše približava Uzvišenom Allahu - naročito danas u ovom našem vremenu - podučavanje ljudi vjeri, širenje sunneta Allahovog Poslanika, sallallahu alejhi ve sellem, među njima na lahak i pristupačan način kako bi ga svi shvatili: i onaj koji traga za znanjem i neuki; a sve se to može postići neprestanim ponavljanjem i obnavljanjem dok se vjerski propisi ne prošire i kod ljudi urežu u pamćenje.

Ovo je kratka brošura koja govori o jednom važnom pitanju o kome islamski učenjaci nisu puno govorili (ne priča se u naše vrijeme), no i pored toga ovo je pitanje jako bitno jer se veže za najvažniji rukn (stub) Islama – Namaz.

Rekao je Allahov Poslanik, sallallahu alejhi ve sellem: "Zaista je namaz prva stvar za koju će ljudi biti pitani na Sudnjem danu..." (Bilježe ga Ebu Davud i Nesai, a hadis je vjerodostojan).

Stoga, uzimajući u obzir sve navedeno jasno nam je koliko je bitno da insan zna na koji način (ispravno) obaviti namaz kako bi njegova i ostala djela bila primljena.

Rekao je Allahov Poslanik, sallallahu alejhi ve sellem: "Prvo za što će čovjek odgovarati na Sudnjem danu jeste namaz, pa ako mu namaz bude ispravan, bit će mu ispravna i ostala djela, a ako ne bude, neće mu biti ispravna ni ostala djela." (Et-Taberani).

Dakle, u ovom kratkom djelu govorit ću o svim stvarima koje se vežu za osobu koja treba obaviti namaz na stolici (koja nije u stanju da klanja namaz kao što se to čini u normlanim okolnostima), a posebno kada je riječ o obavljanju namaza na stolici u džematu.

Krajni cilj ove brošure je da se pojasni kakvoća i način obavljanja namaza kod osoba koje su u potrebi da namaz klanjaju na stolici, a kako bi njihov namaz bio ispravan i u granicama Šerijata.

Sve navedeno ima smisla kada se uzme u obzir koliki je broj ljudi koji su u potrebi da namaz obave na stolici, sve jedno da li to bilo zbog bolesti (koja je trajna ili privremena) ili pak zbog nekog fizičkog nedostatka (nedostatak udova ili pretjerane težine) koji povlači za sobom olakšicu obavljanja namaza u stanju u kome se nalazi tj. na stolici.

Dakle, mnogo je ljudi koji se nađu u situaciji da ne mogu obaviti neki rukn od ruknova (stubova) namaza te zbog svoga nedostatka isti ostave u potpunosti ruknove namaza ili ostave i one ruknove (stubove) namaza koje mogu da obave pravdajući se da ne mogu drugi rukn obaviti.

Nerijetko vidimo čovjeka koji ne može da obavi recimo sedždu zbog neke bolesti, i onda takva osoba ostavi i druge ruknove kao što je Kijam (stajanje) ili pak Ruku' (pregibanje) što opet ima za posljedicu da namaz dotične osobe i njegovu ispravnost dovede u pitanje.

Zbog svega navedenog smatrao sam neophodnim da se nešto ovakvo uradi i ponudi našim muslimanima (sa naših prostora) kako bi postigli ispravnost svoga namaza a samim time i svih ostalih djela.

Osnova od koje sam počeo tokom pripreme ovog skromnog djela jesu riječi Allaha, azze ve dželle: "Bojte se Allaha koliko možete" (Et-Tegabun, 16).

Kao i riječi Allahova Poslanika, sallallahu alejhi ve sellem: "Kada vam nešto naredim uradite to koliko možete, ..." (Buhari i Muslim).

Ovim ajetom i hadisom vjernici su obavezni izvršavati naredbe shodno njihovim mogućnostima, a ono što nisu u stanju da izvrše Allah, dželle šeh'nuhu, ih neće za to ni pitati.

Od pitanja koje ulaze u gore spomenuto pravilo je i pitanje načina klanjanja namaza od strane onih koji nisu u stanju da čine neke ruknove namaza poput stajanja, pregibanja i sedžde.

Po ovom pitanju je prenešen vjerodostojan hadis od Imran Ibn Husajna, radijallahu anhu, kojeg bilježi Buharija u svom Sahihu da je Poslanik, sallallahu alejhi ve sellem, rekao: "Klanjaj stojeći, a ako nisi u stanju onda sjedeći, ako i to nisi u stanju pa onda na strani". (Buhari)

Ovaj hadis je dokaz da se Farz (Vadžib) namaz ne klanja sjedeći osim iz opravdanog razloga, a to je nemogućnost da se stoji, a pod ovo ulazi i strah od nanošenja štete.

Naravno, pod nemogućnošću se misli i na bolest ili neki fizički nedostatak koji za sobom povlači ovu olakšicu.

Da bi ovo djelo bilo još jednostavnije i praktičnije za primjeniti ja ću uz Allahovu pomoć nastojati da budem što jednostavni i navedene primjere i slučajeve dodatno pojasniti kroz adekvatne slike.

PRVI SLUČAJ:

Ko ne može da obavi neki od navedeni ruknova kao što je KIJAAM (stajanje) ili pak RUKU' (pregibanje) ili SUDŽUD (sedždu) zbog bolesti, tjelesne težine ili nekog drugog opravdanog razloga – svi ovi navedeni svoj namaz će obavljati (čitaj klanjati) u stanju u kome se nalaze tj. onako kako mogu koristeći olakšice koje su im date a od kojih je obavljanje namaza uz pomagalo kao što je STOLICA. **(Slik 1).**

Dokaz ovome su riječi Allaha, azze ve dželle: „I Allaha se bojte koliko god možete...” (Prijevod značenja sura At-Tegabun, ajet broj 16).

Kao i riječi Uzvišenog: „Allah nikoga ne opterećuje preko mogućnosti njegovih.” (Prijevod značenja sura Al-Beqara, ajet broj 286).



Poželjno je da osobe koje koriste stolicu ili neka dodatna pomagala (olakšice) ne klanjaju odmah (direktno) iza imama, a to iz više razloga od kojih su: strah da ne dođe do potrebe da se imam zamijeni u toku namaza a oni nisu to u stanju, kao i da se imam ne zaklanja od ostalih klanjača ukoliko bi im nešto govorio (držao predavanje) ili pak davao im neke smjernice. (Slika 2).



Također, poželjno je da stolica bude mala, odnosno da bude u onoj veličini koja ispunjava svoj cilj (svrhu) kako ne bih upotrebom iste došlo do nepravilnosti (neporavnavanje) saffa. (Slika 3)




DRUGI SLUČAJ:

Osobe koje mogu da obave normalno KIJAM (stajanje) i RUKU' (pregibanje) u namazu, no nisu u stanju da obave SEDŽDU (padanje ničice) zbog opravdanog razloga – ove i ovakve osobe će da klanjaju namaz kao i svi ostali, a kada dođu do mjesta i vremena kada treba učiniti sedždu oni će sjesti na stolicu i uraditi sedždu onako kako su u mogućnosti kao što je prikazano na slici. (Slika 4)



TREĆI SLUČAJ:

Osobe koje mogu (u stanju su) da obave KIJAM (stajanje u namazu) no nisu u stanju da obave RUKU' a niti SUDŽUD (sedždu) – ova osoba će da klanja stojeći, a kada dođe vrijeme da učini RUKU' ili SEDŽDU on će da sjede na stolicu i da učini tako ruku' i sedždu (kako je u mogućnosti) vodeći računa da sedžda bude malo „dublja“ od ruku'a tj. da prilikom sedžde napravi veći pregib (da se više nagne prema naprijed) kao što je na slici. (Slika 5).



ČETVRTI SLUČAJ:

Osoba koja ne može da obavi KIJAM (stajanje u namazu) a sposobna je da obavi ostale ruknove namaza kao što je RUKU' I SUDŽUD – ova osoba će da klanja sjedeći a kada dođe u situaciju da čini ruku' i sedždu ona će to i uraditi baš kao i svi ostali klanjači.

Spomenutoj osobi je dozvoljeno samo da koristi olakišicu u onom dijelu namaza koji nije sposobna da obavi, dakle olakšice se određuju shodno njihovoj stvarnoj potrebi i veličini. (Slika 6).



PETI SLUČAJ:

Osoba ili osobe koje mogu da obave sedždu a nisu u stanju da obave KIJAM a niti RUKU' – takva osoba/osobe će da klanjaju sjedeći cijeli namaza osim sedžde koju će da obave kao i svi drugi klanjači jer su u stanju to da učine. (Slika 7).



Ovjde treba naglasiti da sve prethodno rečeno se veže za namaz koji je FARZ (VADŽIB) dok nafile namazi mogu da se obavljaju i sjedeći i na jahalici ili prevoznom sredstvu jer se to prenosi od Allahova Poslanika, sallallahu alejhi ve sellem.

Također je dozvoljeno da zdrava osoba, sposobna za stajanje, klanja dobrovoljni namaz sjedeći okrenuta prema Kibli, za vrijeme boravka u svom mjestu, a za to ima pola nagrade onoga ko klanja stojeći.

Imran Ibn Husejn, radijallahu anhu, kaže da je pitao Poslanika, sallallahu alejhi ve sellem, o namazu čovjeka u sjedećem položaju, pa je rekao: “Ko klanja stojeći, to je bolje, a ko klanja sjedeći, pripada mu polovina nagrade onoga ko stoji, a ko klanja ležeći, pripada mu polovina nagrade onoga ko klanja sjedeći.” (Hadis bilježi imam Buhari, broj 1116).

No, osobe koje klanjaju namaz sjedeći zbog opravdanog šerijatskog razloga (bolesne i stare osobe) one imaju poptunu nagradu inšaAllah.

ŠESTI SLUČAJ:


Osoba koja može da klanja cijeli namaza kao i ostali klanjači u normlanim okolnostima s tim da ne može sjediti na TEŠEHUDU (sjedenju tokom namaza) sve jedno da li se radilo o prvom ili drugom sjedenju (tešehudu), takva osoba će da obavlja namaz kao i svi ostali s tim da će prilikom teşehuda (sjedenja) sjesti na stolicu, kao što je prikazano na slici. (Slika 8).



SEDMI SLUČAJ:

Namaz koji obavljaju bolesne i iznemogle osobe u osnovi se obavlja na zemlji (na podu) bez upotrebe pomagala, no ukoliko se ukaže potreba za tim onda nema smetnje da se koriste dodatna pomagala.

Također, ukoliko bi se desio slučaj da je cijeli džemat sastavljen od osoba koje su iznemogle, bolesne ili stare onda će oni obaviti namaz na podu ako mogu bez pomagala, a ako ne onda nema smetnje da se koriste istim. (Slika 9).



KAKO SE POSTAVLJA STOLICA U SAFFU?

Položaj i mjesto stolice, odnosno način postavljanja iste razlikuje se od mjesta do mjesta gdje se stolica nalazi u Saffu.

1. Ukoliko se stolica nalazi u sredini Saffa, onda će postaviti stolicu tako da njene zadnje noge (oslonci) budu u ravni sa Saffom u kojem se nalazi kako ne bih postavljanjem svoje stolice poremetio redosljed i poravnavanje drugog saffa ili onoga koji se nalazi iza njega. (Slika 10).



2. Ukoliko se pak nađe osoba koja želi da klanja namaz na kraju Saffa ili pak u zadnjem Saffu iza kojeg nema niko više onda će postaviti stolicu i njene oslonce tako da budu u ravni sa Saffom tj. on će stati u ravni sa svim ostalim klanjačima i neće biti ispred njih ni jednim svojim dijelom tijela.
3. Osobe koje klanjaju na stolici tokom obavljanja namaza nije im dozvoljeno da stolicu pomijeraju napred ili nazad, kao recimo da kada hoće učiniti ruku' pomakne stolicu malo natrag a potom je vrati... jer se to onda smatra od viška i nepotrebi pokreta u namazu koji mogu dovesti u pitanje namaz tj. da pokvare namaz bez da osoba to zna. (Slika 11)



Ovdje treba također naglasiti da nije dozvoljeno općenito da se „rezervišu“ ili zauzimaju mjesta u saffovima, jer je osnova da onaj ko prvi

dođe uzme mjesto koje želi, a najbolje mjesto je odmah iza imama s tim da tu neće sjesti osoba koja nije sposobna da mijenja imama.

UPOZORENJA I PRIKLADNI SAVJETI

Od stvari koje trebaju da se znaju jeste i to da osobe koje klanjaju na stolici njihova skrušenost u namazu je manja od osoba koje obavljaju namaz u potpunosti (ovo je osnova dok ima izuzetaka), stoga ove osobe treba da se dodatno trude kako bi postigle koncentraciju i skrušenost u namazu, i čovjek ne treba pribjegavati upotrebi nekih pomagala osim ako je opravdana (prije) potreba.

Također, osobe koje klanjaju na stolici ili nekim pomagalima su uglavnom bolesne osobe, Allah molim da ih izliječi i podari svima nama zdravlje i snagu kako bi obavljali namaze kako Allah to od nas traži – stoga takvim osobama nije preporučeno da dolaze puno ranije u mesdžid kako ne bih dovele sebe u situaciju koja se često primjeti, a to je da prilikom namaza ili pak hutbe iste te osobe spavaju ili su zbog dugog boravka u stolici dovele sebe do tačke nestrpljenja i želje da se što prije završi dotična stvar sve jedno da li to bio namaz ili hutba.

Od stvari koje se mogu desiti jeste i to da čovjek nekada počne namaz kao „zdrava“ osoba no tokom namaza desi se nešto što ga primora da nastavi namaz kao osoba koja je „bolesna“ ili pak u potrebi da namaz nastavi na stolici ili nekom drugom pomagalu, i u ovim slučajevima kažemo: Namaz takve osobe se ne prikida ukoliko se ona okrene i uzme neku stvar od pomagala jer kako smo prethodno kazali olakšice i potrebe se uzimaju onoliko kolika je stvarna potreba za njima, dokaz ovome jesu riječi Allaha, azze ve dželle: "Bojte se Allaha koliko možete" (Et-Tegabun, 16).

Kao i riječi Allahova Poslanika, sallallahu alejhi ve sllem: "Kada vam nešto naredim uradite to koliko možete, ..." (Buhari i Muslim).

Od stvari koje su također primjetne kod nekih klanjača koji koriste stolice ili neka dodatna pomagala prilikom obavljanja namaza, jeste da te osobe koriste neka nepotreban sredstva kao što su ploče ili stolovi na kojima će navodno činiti sedždu – sve navedeno nema osnove i ne može se prihvatiti a obaveza na tim klanjačima je da takve stvari ostave i pridržavaju se namaza kao što je prethodno opisan bez dodavanja nečega što nema osnovu i na njima je da se boje Allah onoliko koliko mogu: "Bojte se Allaha koliko možete" (Et-Tegabun, 16). (Slika 12)



Također, primjetno je da neki od klanjača koji koriste pomagala prilikom klanjanja kao što su stolice prilikom sedžde svoje ruke i prste pružaju u zraku kako bi na njima činili sedždu... sve spomenuto nema osnovu i ne treba se činiti nego osoba treba da prilikom sedžde na stolici samo uradi pokret tijelom koji je „dublji“ od ruku'a i na takav način će obaviti sedždu bez da pruža ruke i prste u zrak, na što su ukazali i pojasnili učenjaci, Allah im se smilovao.

NA KRAJU:

Ovo su „svi“ općenito propisi koji se tiču osoba koje svoj namaz obavljaju na stolici ili nekom drugom pomagalu zbog opravdanog šerijatskog razloga. U ovom skromnom djelu pokušali smo približiti način i kakvoću namaza osoba koje su iskušane nekim stvarima kao što je bolest ili pretjerana težina – pa sve što bude ispravno to je od Allaha, a ako ima kakvih grešaka (što je priroda ljudska) onda je to od mene i od Šejtana, a Allahu se utiče od njega.

Neka je svaka hvala Allahu, subhanehu ve te'ala, s čijom blagodat završavaju se sva dobra djela! Neka je salavat i selam na Njegovog roba i poslanika Muhammeda, sallallahu alejhi ve sellem, na njegovu porodicu, supruge, potomke, sve ashabe i sve koji ih slijede u dobru do Sudnjega dana. Molim Te, Uzvišeni Allahu, da ovaj trud učiniš iskrenim radi Tvoga Plemenitog lica i da njime okoristiš Svoje robove. Slavljen neka si Ti, Gospodaru moj, i hvaljen. Nema istinskog boga osim Tebe. Od Tebe oprosta tražim i Tebi se kajem.

Safet Suljić
Riyad
22.09.1435 – 20.07.2014

NAŠA IZDANJA:

- AJVATOVICA – BOGUMILSKA OSTAVŠTINA I NOVOTARSKA TRADICIJA
- AŠURA - DAN MUSAOVA IZBAVLJENJA I VID MU'MINSKE ZAHVALNOSTI I POKORNOSTI
- ČISTOĆA SVAKOG MUSLIMANA I MUSLIMANKE
- DA LI U ISLAMU POSTOJI LIJEPA NOVOTARIJA
- DEDŽDŽAL - NAJVEĆE ISKUŠENJE UMMETA
- DŽEMAT – ŠTA SE PODRAZUMIJEVA POD POJMOVOM DŽEMAT
- I'TIKAF – PROPISI I VRIJEDNOST I'TIKAF
- KO SU ASHABI RADIJJALLAHU ANHUM
- KO SU EHLU SUNNE VE-L-DŽEMAT I KO JE TO POTPOMOGNUTA SKUPINA
- MEVLUD OPASNA NOVOTARIJA
- NAJBOLJA DOVA - DOVA NA DAN AREFATA
- ODAZIVAM TI SE GOSPODARU, ODAZIVAM!
- OPASNOST PRAKTIKOVANJA NEVJERNIČKIH PRAZNIKA
- OPASNOST SLIJEĐENJA STRASTI I NOVOTARIJA
- POST ALLAHOVA POSLANIKA
- PRAKTIČAN PRIMJER KAKO SE PIŠE VASIJJET
- PROPIS I OTKUP ZAKLETVE
- PROPIS SEHVI SEDŽDE
- RAZILAŽENJE MEĐU UČENJACIMA
- SIHR, UROK, ŠEJTANI I DŽINI - ŠERIJATSKI TRETMAN I LIJEČENJE
- SVOJSTVA I OSOBINE ŽIDOVA
- ŠERIJATSKI HIDŽAB (DŽILBAB)
- ŠERIJATSKI PROPISI VEZANI ZA SAOBRAĆAJNE NESREĆE
- TEWBA – POKAJANJE – PROPISI I NJENA STVARNOST
- VASIJJET - ŠERIJATSKA OPORUKA
- VJERODOSTOJNE DOVE KOJE JE ALLAHOV POSLANIK UČIO POSLIJE POČETNOG TEKBIRA A PRIJE FATIHE
- VRIJEDNOST POSTA ŠEST DANA ŠEVALA
- ZEKAT (ZEKATU-L-MAL I ZEKATU-L-FITR)
- ZEM ZEM VODA NAJBOLJA VODA NA LICU ZEMLJE
- IZGUBLJENI NAMAZ – SABAH NAMAZ
- RAD I ZAPOSŁJAVANJE ŽENE U SVJETLU ISLAMA
- 7 U HLADU ARŠA – POSTER
- HARAM (ZABRANJENI) HIDŽAB – POSTER
- ISTIHARA NAMAZ - PRAKTIČAN NAČIN OBAVLJANJA – POSTER
- KOJOJ SKUPINI PRIPADAŠ – POSTER
- MESH - POTIRANJE PO MESTVAMA I ČARAPAMA – POSTER
- NAMAZ I OBAVEZA PORAVNAVANJA (POPUNJAVANJA) SAFOVA – POSTER
- NEPOŽELJNE I HARAM FRIZURE – POSTER

- PRAKTIČAN PRIMJER KAKO OBAVITI NAMAZ – POSTER
- PRESTANI SE EKSPONIRATI – NIKO NE ŽELI VIDJETI VAŠ UNUTRAŠNJI VEŠ! – POSTER

Sadržaj:

Uvod **Greška! Oznaka nije definisana.**

PRVI SLUČAJ: 5

DRUGI SLUČAJ:..... 6

TREĆI SLUČAJ: 7

ČETVRTI SLUČAJ: 7

PETI SLUČAJ:..... 8

ŠESTI SLUČAJ:..... 9

SEDMI SLUČAJ: 9

KAKO SE POSTAVLJA STOLICA U SAFFU?..... 10

UPOZORENJA I PRIKLADNI SAVJETI..... 11

NA KRAJU:..... 12

NAŠA IZDANJA: 13



www.et-taqwa.com